



REPUBLIKA E KOSOVËS-REPUBLIKA KOSOVA REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO

Planuar / Dorezuar Primijeno/Prodato Received/Delivery	31.05.2021	viti god year	2021
Organ /Njesia Org./Jedinica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKIMSHICK	2733/2021		1/4



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.329/2021

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave, në përbërje nga: Ardita Haxhnikaj-Demi-kryetare, Arben Mehmeti dhe Eshref Shabani-anëtarë, me Rushit Katazi, Zyrtar i Lartë për Bashkëpunim Profesional në cilësinë e procesmbajtësit, sipas Aktgjykimit A.nr.2781/2019 të datës 16.04.2021 të Gjykatës Themelore në Prishtinë/Departamenti për Çështje Administrative, ka shqyrtuar ankesën me numër A.nr.643/2019, të datës 22.10.2019, të parashtruar nga me adresë banimi Rr." Shtefan Gjeqovi", Nr. 8, Lipjan, kundër organit të punësimit Ministria e Punëve të Brendshme, në çështjen juridike "kontestim konkursi", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 31.05.2021, mori këtë:

V E N D I M

I. Refuzohet si e pa bazuar ankesa me numër A.nr.643/2019 e datës 22.10.2019 e parashtruar nga ankuesja

II. Mbetet në fuqi Njoftimi për Kandidatin e Suksesshëm me numër protokolli 747 të datës 24.09.2019, lidhur me pozitën "Zyrtar për Azil", në Qendrën për Azilkërkues në Lipjan, pranë Ministrisë së Punëve të Brendshme.

A r s y e t i m

Ministria e Punëve të Brendshme bazuar në Autorizimin e datës 20.08.2019, të Departamentit për Administrim të Shërbimit Civil pranë Ministrisë së Administratës Publike, më datë 26.08.2019 ka shpallur Konkursin për pozitën "Zyrtar për Azil, në Qendrën për Azilkërkues në Lipjan, e në të cilin konkurs ka aplikuar edhe ankuesja.

Me datë 24.09.2019, Ministria e Punëve të Brendshme ka publikuar Njoftimin me të cilin kandidatja është përzgjedhur si kandidate e suksesshme për pozitën "Zyrtar Për Azil", në Qendrën për Azilkërkues në Lipjan. E pakënaqur me këtë Njoftim ankuesja brenda afatit ligjor ka parashtruar

ankesë në Këshillin e Pavarur Mbikëqyrës për Shërbimin Civil të Kosovës me numër protokollit 4978/2019 të regjistruar A.nr.643/2019.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Rregullores Nr.02/2018 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës, me datë 24.10.2019 ka proceduar kërkesën për përgjigje në ankesë të ankueses të Ministria e Punëve të Brendshme, ndërsa me datë 01.11.2019 Këshilli ka pranuar përgjigje në ankesë se bashku me shkresat e lëndës.

Këshilli i Pavarur Mbikëqyrës për Shërbimin Civil të Kosovës, në mungesë të kuorumit për vendosje, me datë 07.11.2019 ka udhëzuar ankuesin për ushtrimin e mjeteve juridike në gjykatë sipas dispozitave të Ligjit për Konfliktin Administrativ. Gjykata Themelore në Prishtinë/Departamenti për Çështje Administrative, më datë 16.04.2021 ka nxjerr Aktgjykimin Anr.2781/19 përmes të cilit ka detyruar Këshillin e Pavarur Mbikëqyrës për Shërbimin Civil të Kosovës, që të shqyrtoj dhe të vendos për ankesën e datës 22.10.2019 të parashtruar nga ankuesja

Kolegji për shqyrtimin e ankesave pas konstatimit së ankesa është e pranueshme sipas nenit 129 të Ligjit Nr.05/L-031 për Procedurën e Përgjithshme Administrative, me qëllim të vërtetimit të drejtë të gjendjes faktike, për vendosje në mënyrë meritore ka administruar këto prova Ankesën A. Nr. 643/2019 me numër protokollit 4978/2019 e datës 22.10.2019 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Njoftimin e datës 24.09.2019, për përzgjedhjen e kandidatit të suksesshëm; Konkursin e datës 26.08.2019; Kërkesën për punësim e me shkresat e bashkangjitura; Vërtetimin e datës 30.11.2014; Referencën e datës 16.05.2011; Diplomën e datës 28.12.2009; Diplomën e datës 21.07.2016; Kërkesën për punësim e me shkresat e bashkangjitura; Diplomën e datës 08.02.2013; Vërtetimin e datës 28.08.2018; Vërtetimin e datës 08.12.2016; Vërtetimin e datës 15.05.2007; dëshminë-Pasqyra nga TRUST, Vendimin e datës 10.09.2019, për themelimin e Komisionit Përzgjedhës; Regjistrimin e Aplikacioneve të pranuar; testi me shkrim; Vlerësimin individual i Kandidateve për vendin e punës për të cilin nuk kërkohet njohja e ndonjë gjuhë të huaj; Përmbledhjen e Vlerësimeve individuale; Raportin përmbyllës; Raporti Final i Rekomandimit; listën e ngushtë; Përgjigjen në ankesë e datës 01.11.2019, me numër protokollit 5141/2019, me shkresat e bashkangjitura; Kërkesën për punësim e me shkresat e bashkangjitura; Diplomën e datës 17.11.2014; Diplomë e datës 21.06.2018; Vërtetimin e përvojës së punës i datës 23.02.2016; Kërkesën për punësim e me shkresat e bashkangjitura; Referencën e datës 21.09.2017; Referencën e datës 03.08.2015; Vërtetimin e datës 13.12.2014; dëshminë-Pasqyra nga TRUST për periudhën 01.08.2020, deri me datë 23.08.2019; Kërkesën për punësim e me shkresat e bashkangjitura; Diplomë e datës 22.02.2018; Raport për vlerësimin e punës, i vitit 2015; Kërkesën për punësim e me shkresat e bashkangjitura; Diplomë e datës 30.03.2012; Diplomë e datës 19.01.1999; Vërtetim i datës 01.08.2012; Vërtetim i datës 28.03.2014; marveshje për shërbime të veçanta e datës 01.07.2019; E- maili i datës 31.05.2021; e- maili i datës 25.05.2021, Përgjigje në ankesës e datës 26.05.2021, me shkresat e bashkangjitura;

Kolegji për Shqyrtimin e Ankesave pasi ka shqyrtuar pretendimeve ankimore dhe provat e lëndës, ka konstatuar se ankesa e ankueses është e pa bazuar, sepse:

Në ankesën e parashtruar në Këshillin e Pavarur Mbikëqyrës për Shërbimin Civil të Kosovës, ankuesja pretendon së Komisioni Përzgjedhës nuk ka vlerësuar me meritë ankuesen dhe se në testin

me shkrim i janë zbrit pikët, kandidatja e përzgjedhur nuk ka plotësuar kushtet për këtë pozitë, sepse e njëjta nuk ka kualifikim përkatës si dhe dy vjet përvoje pune pas diplomimi, në listë të ngushtë është përfshirë një kandidat i cili nuk ka plotësuar kushtet dhe se Raporti Final i Komisionit Përzgjedhës nuk është nënshkruar nga të gjithë anëtarët. Mbi këtë bazë, ankuesja kërkon që Këshilli ta anuloj Njoftimin e datës 24.09.2019 lidhur me kandidatin e suksesshëm si dhe procedurën e rekrutimit për pozitën e Zyrtarit të Azilit, në Qendrën e Azilkërkuesve në Lipjan.

Sipas Autorizimit të DASHC-së të datës 20.08.2019 si dhe Konkursit të datës 26.08.2019, rezulton se kriteret për pozitën "Zyrtar Për Azil" në Qendrën për Azilkërkues në Lipjan, kanë qenë: Diplomë Universitare, Fakulteti Juridik, Shkenca shoqërore dhe minimumi dy(2) vite përvoje pune profesionale.

Lidhur me pretendimin ankimor se ankuesja nuk është vlerësuar me meritë nga Komisioni Përzgjedhës dhe se në testin me shkrim i janë zbrit pikët, Kolegji bazuar në shkresat e lëndës ka gjetur se ankuesja është vlerësuar me gjithsej 67.5 %, ndërsa kandidatja e përzgjedhur Jehona Aliu është vlerësuar si kandidatja me më shumë pikë gjegjësisht me 75.5%. Ndërsa nga analizimi i testit të ankueses dhe çelësit të testit, Kolegji nuk vëren ndonjë shmangie të vlerësimit të pikëve në raport me përgjigjet sipas testit, e mbi këtë konstatim Kolegji vlerëson se Komisioni Përzgjedhës ka vepruar në pajtim me nenin 40 paragrafi 1 të Rregullores Nr.02/2010 për Procedurat e Rekrutimit në Shërbimin Civilë ku është përcaktuar se: në *Shërbimin Civilë emërohen kandidatët, të cilët kanë arritur numrin me të madh total të pikëve në testimin me shkrim dhe gojë.*

Përkritazi me pretendimin ankimor të ankueses së kandidatja e përzgjedhur nuk ka plotësuar kushtet për këtë pozitë, Kolegji bazuar në shkresat e lëndës përkatësisht Diplomën e lëshuar nga Universiteti i Prishtinës " Hasan Prishtina" nr.491, me të cilën dëshmohet se me datës 21.07.2012 ka mbaruar studimet themelore në Programin Gjuhë dhe Letërsi Shqipe, ndërsa sipas Vërtetimit me numër protokolli 565/2018 të datës 28.08.2018 të lëshuar nga ELKOS Group SHPK 02/284, me të cilin është konfirmuar se e njëjta ka punuar në pozitën e Arkëtares, ku bazuar në dëshminë e TRUST-it vërtetohet se ankuesja ka punuar pranë kësaj kompanie nga janari 2014 deri gusht 2016 pra gjithsej 29 muaj (1 vit e 7 muaj). Po ashtu në shkresat e lëndës Kolegji ka gjetur se ka punuar në Shkollën Filllore të Mesme Ulët "Skenderbeu" në fshatin Truboviq/Pejë, si mësimdhënësi për gjuhë dhe letërsi në kohëzgjatje prej tre (3) muajsh si dhe Shkollën Filllore të Mesme Ulët " Ukshin Miftari" në fshatin Skivjan/Gjakovë në kohëzgjatje prej 3 muajsh, e si rrjedhojë Kolegji ka vlerësuar se kandidatja e zgjedhur ka plotësuar kriteret sipas konkursit për pozitën përkatëse.

Ndërsa lidhur me pretendimin ankimor së në listën e ngushtë ka hyrë kandidatja M që nuk ka plotësuar kushtet, kolegji nga analizimi i shkresave të lëndës ka gjetur se M.Berisha posedon Diplomë universitare të lëshuar nga Kolegji AAB nr. 1162/2014 me të cilën dëshmohet se ka të përfunduar studimet themelore për Administratë Publike, ndërsa lidhur me përvojën pas diplomimit, nga Pasqyra e Trustit e njëjta ka përvojë punë dhe atë: Bibliotekiste në Kolegji AAB për dhjetor 2014, arkëtare në "Altrade" nga janari 2017 deri gusht 2017 dhe në "Beko Invest" SHPK nga gushti 2017 deri korrik 2019, gjithsej 29 muaj, e mbi këtë konstatim rrjedhe së pretendimi ankimor i ankueses nuk qëndron.

Është i pa bazuar pretendimi ankimor i ankueses së Raporti Final i Komisionit Përzgjedhës nuk është nënshkruar nga të gjithë anëtarët e Komisionit, sepse bazuar në nenin 34 paragrafi 4 të Rregullores Nr.02/2010 për Procedurat e Rekrutimit në Shërbimin Civil, Raporti Final pas testim me shkrim dhe

intervistës me gojë përgatitet dhe nënshkruhet vetëm nga Kryesuesi i Komisionit Përzgjedhës, ashtu siç është vepruar me rastin e Raportit Final të datës 23.09.2019 të Komisionit Përzgjedhës për pozitën "Zyrtar Për Azil" në Qendrën për Azilkërkues në Lipjan.

Kolegji për Shqyrtimin dhe Vendosjen e Ankesave pas shqyrtimit të shkresave të lëndës lidhur me zhvillimin e procedurës rekrutuese si dhe pas trajtimit të pretendimeve ankimore të ankueses, konstaton që procedura e rekrutimit për pozitën Zyrtar Për Azil në Qendrën për Azilkërkues në Lipjan, është zhvilluar në pajtim me nenin 3 paragrafin 9, nenin 5 paragrafin 1 nën paragrafin 1.2, nenin 11 paragrafin 1 dhe nenin 18 paragrafin 1 të Ligjit Nr. 03/L-149 për Shërbimin Civil të Kosovës, i cili përcakton që: "Pranimi në Shërbimin Civil mbështetet në parimet e meritës, me shpallje publike të pozitive të lira, me transparencë të procesit, me objektivitet dhe paanësinë e komisionit testues, mos diskriminimin e kandidatëve dhe të drejtën për t'u ankuar në fund të procedurës, si dhe Rregulloren Nr. 02/2010 për Procedurat e Rekrutimit në Shërbimin Civil.

Andaj, pas analizimit dhe vlerësimit të të gjitha shkresave të lëndës si dhe duke u bazuar në nenin 18 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, si dhe nën 132 paragrafi 2 të Ligjit Nr.05/L-031 për Procedurën e Përgjithshme Administrative, Kolegji vendosi si në dispozitiv të këtij Vendimi.

Vendimi hyn në fuqi ditën e nënshkrimit nga Kryetarja e Kolegjit.

Këshillë juridike: Kundër vendimit të Këshillit, pala e pakënaqur mund të iniciojë konflikt administrativ në Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr. 329/2021

Rushit KAJTAZI

Procesmbajtës

Ardita Haxhnikaj-DEMI

Kryetare e Kolegjit

Vendimi i dërgohet:

- Ankueses
- Sekretarit të Përgjithshëm të Ministrisë së Punëve të Brendshme
- Udhëheqësit të Personelit në Ministrinë e Punëve të Brendshme
- Arkivit të KPMSHCK-se